

沙縣志

319-57  
32  
:9

卷之十一

雜述志





縣誌卷之十一

雜述誌

仙釋 訂訛

災祥

變異

古蹟

拾遺

存疑



君子語正不語邪語常不語變也然聖哲既遠實家為經訛以傳訛蟬噪鼃鳴不有識者孰剖其真人亦有言先民是程故鳧履羊鳴充耀簡牒倉公龜茨遷固是列春秋紀異名叛書盜夏五郭公存而不削亦史家所不廢也况究之可以稽天道察之可以測人事釋之可以盡物情省之可以觀世變固有是理亦何害於正與常哉譬之五色錯以成章故非純白之玷也志雜述

沙縣誌

卷之十一

仙釋

一

仙釋

唐

裴頭陀嘗以鐵履渡江來居邑西栢欄山剪荆棘結草廬跌坐其中座側石竅日涌米二升以贍之客至則增今竅猶存後人鑿而大之米不復出矣書林廣記云羽衣仙沙人疑卽頭陀也

按栢欄山今屬永安以其舊屬沙故存之

宋

饒松自幼不樂婚娶嘗入山採薪遇二人弈松視之忘返弈者曰可歸矣乃送之出山自是落魄不羈常為人傭



工田畝間識者謂其有道術也時亢旱王家謂曰聞汝  
素有道術能令水逆溢乎松遂以鋤穴地作坎引水逆  
流上須臾漲溢每耕耨處輒有片雲覆之六月六日坐  
化於昆山鄉民肖像祀之旱潦災疫扣之如響文丞相  
募兵勤于道經其祠地士卒乏泉渴甚松幻一道者持  
壺漿犒之隨飲隨注一軍遍壺漿不竭丞相異之問其  
姓名居止荅曰饒姓名松前菴其居也倏然不見至菴  
視之塑像儼然持壺者也尋具其事以聞封都天法王  
佑正大師至今靈蹟不替焉

沙縣誌

卷之十一

仙釋

二

謝祐白水村人移居歷山嘗從黃裳學元豐五年從裳守  
泉州裳遣持書至建寧遇異人於水晶宮畱憩三日授  
以金符玉冊歸遂體骨不凡復師事薩真人遂精道術  
元祐二年化去鄉人立祠祀之凡旱災水疫禱之輒應  
紹興九年民具靈蹟上聞

敕封顯烈尊王淳熙十六年賜廟額曰正順

蔣道者習台衡之學得其冑縈乃棲虎蹟石林谷溪邃虎  
馴伏其傍與之親狎人皆異之

聖者學佛得其宗旨遂迹大部巖穴間澗飲草茹與



世衰絕後入尤溪沈水堂坐化遂廟食於尤

嚴公八都人少學佛持佛戒甚嚴人不知其爲佛一日忽坐化久之顏色如生土人遂塑其肉身祀之大陂窠百順堂至今禱之有驗

游公不知何都人一日忽一流尸至雙溪推之不去旣去復流回泊前所鄉人異之因以祀之其泊處卽今雙溪之宿雲堂也鄉人祀禱累應

陳善峽團人世力農有田業生而厭世網長乃棄家從釋丁游堅持佛行有得嘗耕於里中過芒種不插或嗤

沙縣誌

卷之十一 仙釋

三

之荅曰吾六月乃插與爾同收不晚也衆異之至五月山水暴漲插者皆蕩廢乃與公同六月插也又嘗傭於興雲寺主僧令之糞田公乃昇糞於上流從水流而灌之一里皆饒或以告僧僧責之應曰獨汝田欲肥乎遂去出寺門以鋤自削其迹曰吾不復來此矣至洋溪隔頭菴坐化鄉人異之迎其肉體而事之此鄉之田必六月乃插前此插亦不長凡禱祀數著靈異鄉人以其遺田歸令人守而祀之

法二十三都人習靜於龍會山中得佑正大師饒松心



印凡祈晴禱雨皆有應後將化亦微靈靈異嘗自杉口  
歸以笠爲舟以杖爲楫而渡尋卽斂柴自焚而化里人  
收其骨塑像祀之其所遺法器法衣並自焚基址尙存  
里人每祈禱輒驗云

明

常淨氏徐姓歷東人提舉道冲時林下搆鐵壁菴借男松  
牕竹牕梅牕女號常淨潛修慕道咸有所得獨常淨氏  
更覺靈悟人有休咎莫不先知一夕有盜數人欲禦之  
常淨戒侍者曰今夜有客可具齋供若干席待之有須

沙縣誌

卷之十一 仙釋

四

盜至出迓曰山門僻左無可相款薄具齋供賣公一飯  
諸盜見齋供設適與人數合相顧失色遂不敢犯而去  
人服其神年九十終于鐵壁堂

俞震齋十五都人秘傳符籙精五雷祈禱之術禱雨輒應  
同時有黃天玄者任持宜福觀亦能此術洪武二十年  
省城大旱藩司召此二人祈雨二人至分東西立壇私  
約曰吾二人雨當有辨乃以書符硃墨二硯分投其一  
於水缸中須臾雨至一壇黑水一壇紅水時有贈之詩  
曰三日登壇三日雨一聲號令一聲雷云俞晚居其里



之三官堂一日有老媪求救曰吾某山母龍以行雨失律當午時震歿過午卽無害也惟法官可以改此厄俞曰汝能幻小其形藏我鉢盂中乎龍如令化小蛭蛭投盂中俞以令牌覆之端坐以俟須臾暴雷擊至數遍過午時雷雨息俞乃呼龍出曰可以去矣龍出仍化老媪拜謝約曰有祈雨當如命效力每三年來朝其居一次至今六月初有暴風疾雨由南而北必曰龍姑來朝俞云

魏雷鳴興義坊人亦能雷霆之術童子有欲爲戲以一錢

沙縣誌

卷之十一

仙釋

五

與之魏於童掌作書符狀令彼緊握之至人俯放手轟雷一聲而散

魏知縣文紳亦能禱雨術用大蝦蟆一隻作火字四十九道納之腹中立壇埋之山上三日而雨至具雷震雷雨罷於埋所失蝦蟆所在但不敢常試曾於歷東及本縣二次有應末於幼山上立壇纔二日夜忽大雷雨天明視之門前池水皆涸池魚無小大各剖爲二文紳懼遂不復用

徐麒歷東人萬曆間得異人授遂執真仙蹤蹟靈幻身在



家或有見于江浙間者值大旱鄉人禱雨不應麒曰吾能請之不移時果大雨深二尺又善治病不用藥方以水噴之卽愈一日抵家候母兄鳳以未來事問荅曰雞不鳴鼠必成丁酉鳳果卒姪登瀛以庚子領鄉薦麒嘗題于福山堂曰非吾真非吾假自然之處起煙霞不傳汝不哄汝萬丈雲頭是我家又題虎峯洞云虎峯震疊起危巒北斗南星醉坑間日月每從看上過山河常在掌中看後往武彝不知所終

密印禪師名寒光住沙之半溪宴衍室傳天童衣鉢會稽

沙縣誌

卷之十一 仙釋

六

高士董瑒遊閩曾造訪之時以咏歌相酬荅焉

康熙丙午說偈

圓寂

符籙之學出於老氏故無足術苟可以救災濟旱是亦奪化工恤民隱之所必資也存之以備參考

災祥

唐

大曆二年秋大水○建中三年六月旱疫○貞元六年夏疫○開成五年夏蝗疫

五代



長興四年地震

宋

天聖四年秋九月壬申大水○天觀三年旱○政和間  
葉隆吉家瑞花生於庭狀如牡丹紅瑩不謝建炎中隆  
吉第進士名其堂曰瑞花○宣和二年夏芝生于鄧肅  
家凡十有二種色狀異常○紹興二年春大饑斗米千  
錢○六年春大饑○隆興二年正月地震自春徂秋不  
雨○乾道六年夏大旱○淳熙十一年旱○十二年大  
饑無麥○十四年旱○十六年夏五月大霖雨○嘉泰

沙縣誌

卷之十一

災祥

七

二年夏六月大雨至秋七月大風雨滋甚○開禧元年  
旱○嘉定元年秋七月甲戌災延縣門官舍及民廬一  
千一百家死者相望○八年旱○十六年無麥禾是年  
秋大水○十七年夏五月大水○咸熙十年冬十月地  
震○紹定三年蝗○嘉熙四年旱○淳祐七年大水○  
十一年旱○十二年大水入城漂民廬數百家溺死者  
甚衆○寶祐元年旱疫○德祐元年冬地震

元

元貞二年大饑○十四年大旱



永樂十四年夏大水○成化十九年大饑斗米百錢○  
二十二年春三月大雨水漲十餘丈五月復漲勢逾於  
前害田傷稼壞民居無數○弘治十一年夏四月大水  
○十二年春三月大雨水境內山崩五月大旱民多饑  
○正德元年樺林溪驟漲漂民居百餘家溺歿五十餘  
人○五年秋七月火焚民舍五十餘家○八年春二月  
八日災甚於五年○十二年夏四月十九日夜地震○  
十四年夏四月大水○十五年夏四月大雨水漲入城

沙縣誌

卷之十一

災祥

八

民多溺歿十一月十六日地震○嘉靖四年冬十二月  
二十八日夜災焚民居一百五十餘家○十一年歲大  
登秋八月彗星見於西南方光芒燭地○十二年秋八  
月北鄉寨災焚民居二百家冬十一月五日地震歲復  
登斗米二十錢○十三年耆民魏文選壽登百歲○十  
五年五都有八虎爲患白日櫻人行者逆迹方尹紹魁  
禱之城隍三虎自投窞歿餘者躬率衆捕之患息夏五  
月大水○二十三年夏饑斗米百錢冬厲疫盛行時太  
府馮公岳申請散穀二千三百八十四石以賑濟之次



年米復騰貴大巡何公維栢按府饑民告濟行府申准  
平糴每穀四斛價銀五錢縣糴穀五千四百餘石夏六  
月仍亢旱四境蝗擾秋八月方雨米價頓減民乃帖靖  
云冬十月望日戌刻東南有物墜聲震地威光遠近駭  
異○三十三年十一月二十二日未時地大震有聲如  
雷自西至東山林皆涌如濤浪狀○三十五年夏四月  
大雨水三次惟二十四日夜二更水入城丈餘漂壞民  
居田產甚衆三更斷翔鳳橋湮北倉平明及縣鼓樓漂  
去沙縣牌一邑如海尾歷杉口二村尤甚○三十七年

沙縣誌

卷之十一 災祥

九

縣南下狀元坊災焚民居二百餘家○四十年夏旱大  
饑時城中之米爲商販所盡四鄉之米爲羣盜所殘市  
無可鬻者數日號有餘蓄者亦不免枵腹每米八升值  
銀一錢五分於是鳴贊黃文光妻曾氏監事黃文林妻  
蕭氏各施粥三日存活甚衆次日江西米至米價始減  
是歲男婦之出賣者幾千人沙縣未有之荒也○四十  
一年賊亂中復多虎患率能排門壁入人室攫人或入  
人臥內就床攫之道路持戈結陣以行猶不免噬攝八  
月一虎於官塘坑大路來往半日傷殺者九人尋爲陳



大訓擊殺前後被害者數百人至次年春乃止○四十五年十一月大洲坊災焚民居一百五十餘家○隆慶三年七月十二日北鄉寨大雨水漲十餘丈漂去民居無數溺死者二十餘人○六年十二月縣前晝錦坊災焚民居一百二十餘家○萬曆元年鄉民黃壽妻一乳而生三子○二年夏五月初五日大水入城丈餘凡三晝夜卷宗漂沒倉穀腐爛秋七月十二日大水復入城七尺許○四年六月大風雨雹○五年八月二十七日有星如白氣長數丈自西南方現直指東北至十一月

沙縣誌

卷之十一

災祥

十

漸短小而沒○六年十月災焚晝錦坊民居五十餘家

○七年七月太白晝現○八年十一月彗星自西北方

現○十一年七月初三日災焚縣內吏戶禮承發四卷

房○秋八月又有十餘虎自福州流至延平尤溪及縣

五都害人無數忽一日突至縣前溪南山白日咆哮山

上人隔岸觀之股慄袁侯

應文患之自為檄禱之虎就擒有傳○癸未之夏閩忽多

虎患水口以西尤谿以北羣集獐獍當孔道行者結陣而趨傷人畜可谷量也秋流入沙境咆哮四郊白晝衆可目侯撫然曰是物奚宜至無我是致乎遂虔禱於城隍自為文以檄之檄曰縣令蒞任茲土二月餘矣無德澤及民不足以感召和氣近郊有虎為患實縣令否德敢為神尤雖然縣令亦嘗三自反耳方今聖天子軫念



元元公卿百執事新布寬政縣令承事於下邑奉國憲  
郵民隱兢兢罔敢違越蓋莫掩于爾神之跡聽者無苛  
政何以有猛虎意者逸材之獸偶然而致歟爾神爲民  
幽主胡隱使山靈罔所檢約如此今據戕害我人民竊  
食我六畜妨壓我樵採耕牧吾將命獵夫問虎之罪或  
以神驅而遠之深山之中俾毋爲民患其縣令嘗荷神  
之惠縣令當未至前一日則風折樹木三日出叅謁則  
火焚卷房甫一月餘又燬一從者迺縣令自知氣數之  
否矣茲虎也其亦氣數之否所招乎則惟神祐之若曰  
是虐政之致則明有天子之典刑幽有鬼神之冥報  
縣令不敢祈免禱罪未彌月連殪十虎後其一大若牛  
高若馬長可尋有尺或曰此其魁也自是其害息

十四年四月十九日大水入城六尺許○十五年四月  
十四日舊福聖寺前災焚民居十餘家及傷一人○八  
月十六建新學起工時觀者盈堵有一童子於本山採

得輪菌一衆視之芝也詰其得處往觀之得紫芝二本

金芝一本玉芝二本因採獻之袁侯後踰月又得三本

次年復產數本人以爲瑞應云○十六年六月初二日

大雷風雨雹飄瓦屋如飛葉有火一帶自空中流過或

曰龍也雷震林木數處皆自南而西北至豫章祠而止

縣治以東絕無風雨○六月末不雨踰閏月皆旱民皇

皇恐苗將稿也徐侯顯臣大憂之露冕步拜烈日中凡

可以雩禱者無不舉也至七月十四侯乃率士民詣城

隍自爲牒文檄之文曰屬者旱魃煽虐爍石流金禾苗  
枯稿土田龜拆民情洶洶其虞



有秋臣聞明有禮樂幽有鬼神職民牧是司固有守土之責惟神血食茲土保境祐民亦均與罪焉臣奉職無狀上干天和除痛自修省外且竭虔叩禱於神者屢矣而亢陽如故甚非所以慰安元元而弘濟蒼生也臣日擊心恫旁皇無策惟神是賴唯神亟為地方生靈軫念速達帝廷蚤沛甘澍俾風伯驅熱雨師行雲甘霖澆沱四境霑足膏勻綠野蒼回枯甍涸之仁碧漲沙江施肥筴濯枝之利人歌大有農樂秋成豈惟職與士民利賴惟神亦可以盡歡而報民也若更塊然罔驗豈直為神羞欲長享其廟難矣竊為神懼焉職偕父老子弟迫切申懇惟神其亟圖之禱畢歸不視事待命齋所忽烈日無光同雲四起須臾雨降平地水尺盡二日夜不止溪水暴漲田田皆饒洽也民大悅是歲不饑

○十七年六月閩中大旱至七月

月不雨各郡縣俱赤地幾稿兩院藩臬諸公各虔誠禱雨而建南分守侯公郡署事羅公守譚公悉步行露冕

沙縣誌

卷之十一

災祥

三

在府祈請本縣徐尹顯臣至率士民五步一拜望天叩

懇仍遍謁祀典諸神踰二日乃大雨彌晝夜是七月十

三日也先是雖曾三雨率微灑未足至是原隰皆洽嗣

後晴雨以時禾遂大稔及冬嘉禾四出其在二十四都

草洋坑源十七都下茂四都湖源者俱一本二穗在二

十一都洋溪者一本三穗在二十都連坑者一本五穗

七穗其餘地有者不能盡查禱雨牒文詳後

切惟天  
俗下民而

城隍山川社稷之神與守土之臣皆所以上承天意而子惠元元者也然則生民之利病疾苦詎非神與守土者之責哉今乃入夏以來雨澤愆期旱魃煽虐田疇龜拆禾苗稿枯黎庶嗷皇共虞有秋夫師尹惟日庶民



惟星民則何罪或者守土之臣吏治有闕以致上干天和而貽害於民未可知也茲顯臣謹率各僚屬省愆祭咎清獄滅刑洗心滌慮以仰祈天休夫商湯誓已而時雨旋降宋景修已而災感即退天人之感應若影響如此尚祈城隍山川社稷之神為顯臣達之帝庭俾箕司風而罷司雨油然興而沛然降澤潤生民以下慰守土之臣則神亦永有依歸否則焉用神與守土之臣哉為此上冒神威特賜照鑒

以上舊志以下無籍可攷未詳

萬曆二十二年饑斗米百錢

二十八年六月十六日市心坊災燬民居二百餘家

三十年十月二十三日上狀元坊災燬民居百五十家

二十一年九月西郊三聖廟坊災燬民居百餘家

沙縣誌

卷之十一

災祥

十三

三十二年十一月初九日酉時地震如雷牆屋傾頽溪

流蕩涌自縣治至四鄉凡百里

三十六年二月十九日戌時地震雨雹大者如巨石自

西至東百餘里民屋擊壞

三十七年五月二十六日十七都北鄉寨洪水驟至縣

治山崩谷變漂流田屋無數淹歿民命數千

四十八年五月五日午時下村民家方飲節酒忽天雨

山崩水溢成河男女俱沒傳係古雉作祟有飛翔戲水

狀先一日有老嫗及樵童過一老翁指點急避得活言



之于衆不信

天啓二年四月十一日大風雨雹

崇禎二年正月二十六日上狀元坊災燬民居一百餘家

六年十二月初九日祥鳳橋災

按橋建于萬曆庚辰年畫棟飛甍極備壯麗中多列肆是夜災撤貨及觀者紛逕壅塞火燄突至人不及避焚灰者三百餘斷軀焦骨充填河下

沙縣誌

卷之十一

災祥

古

八年

邑大稜民殍枕藉

十三年庚辰二月晝錦坊災四月魁星坊災六月下狀

元坊災共燬民居二百餘家

十二月初九日丑時地震

十七年三月二十四日三塿賊攻城焚燬祥鳳橋

國朝順治

元年甲申

二年乙酉

二月初六日大風雨雹

三年丙戌

正月十二日雨雹大者如拳小者如石



子 七月廿五夜星變

八月廿二大清兵至郡

四年丁亥二月初六日戌亥二時地震屋瓦有聲

四月梧溪碧溪地方洪水漂流田畝數千頃民居數

十處致田去苗存國賦虛絕民苦賠累

時大水凡六番

六年己丑六月饑斗米銀五錢

七年庚寅四月二十五日山溪泛溢屋宇幾沒 十二

月二十五日丑時地震

十年癸巳 月水漲入城自文昌門至城隍廟崩壞及

沙縣誌

卷之十一

災祥

十五

民屋十餘家

十二年乙未四月至六月大饑斗米銀五錢餓莩相枕

知縣盛交施粥二日為倡富者相繼出米共賑四十

餘日民賴以活

十三年丙申正月十六日大雪

十四年丁酉四月初一日溪水暴漲泛溢城內壞民居

三十餘家

十五年戊戌正月十二日起至十四日止大雪二晝夜

民塑雪獅



十八年辛丑三月大水

康熙

四年乙巳四月大旱

六年丁未二月部院祖諱

發回沙縣原解過山夫價

銀百餘兩鄉紳鄧可權鄭邦昌等具呈縣令毛炳發  
為重架翔鳳橋經始之費城守余虎協紳衿等募建  
落成八月十五日晚裝八仙行橋中又失火焚燬救  
存一半後于康熙二十六年有康山寺僧勉齋募題  
重建

沙縣志

卷之十一

災祥

六

八年己酉三月十五日城東坊城門兜災燬民居一十

五家

十年辛亥五月二十日重架祥鳳橋

十六年無年

十八年己未十一月十三日災燬舖頭井民居五十餘

家

十九年庚申二月十八日赤硃山坊災燬民居九十餘

家 大無年

二十二年癸亥十一月十五日二更時縣前坊災燬民



居百餘家 十二月大雪三晝夜

二十三年甲子五月水漲入城高一丈

二十九年庚午二月十四日上狀元坊災燬民居二十

餘家

三十二年癸酉十一月南樓災

三十五年丙子大饑黃竹生米實民賴以食

三十六年丁丑十二月大雪

三十七年戊寅五月初三日夜災燬城東坊四十六家

三十八年己卯三月二十四日興工修南樓一座上下

沙縣誌

卷之十一

災祥

七

十間

三十九年庚辰十月初 日巖巷災十 日黃橋頭災

共燬民居三十餘家 十二月十五日五更雷 十

七日雪 廿九日半夜雷電風雨

一十年五月初六起至十二日大雨狂注洪水暴漲東

城傾圮街水滿三尺縣令林采徒涉步禱驟晴水退

○按水旱天行也雖湯堯之世所不能免况叔季乎顧

造命之權在有司耳誠未灾而先有備方灾而卽興

發民何告病之有至於象數之讐雖以示咎音人故



以爲天心仁愛也祥瑞之說諂者甘之君子不道矣  
變異

唐

黃巢倡亂擁兵破閩沙莽爲盜區崇安鎮將鄧光布率兵  
禦之誤中流矢歿

宋

建炎末鄰寇俞勝犯境羅先鋒義明率鄉兵禦之

紹興元年建寇范汝爲蔓於沙請降猶懷反側招安官謝  
嚮陸棠受賂賂陰與之通張致遠謁告歸知其情還白

沙縣誌

卷之十一 變異

六

執政捕棠等付獄詔孟庾韓世忠等討平之

紹興間廣寇犯閩境萬令諤破之於浮流鎮

元

至正末江西寇鄧克明攻破縣治

明

洪武二十一年馮谷保鳩衆山谷縣令陳公善以計擒之  
正統十三年建昌人鄧茂七初名鄧雲豪俠爲衆所推因  
殺人官府下捕逃之福建寧化縣陳正景家改名茂七  
聚衆爲墟集會下常數百人巡按御史柴文顯立爲會



長遠近商賈皆咨焉願指殺人者甚衆復爲讐家所告  
縣官捕之拒捕率黨劫上杭從者日衆回攻汀州屢爲  
推官王得仁所敗三戰而陳正景爲得仁所擒械繫送  
京本年率其黨據杉關劫商旅貨物月餘攻光澤縣大  
掠順流而下攻邵武官民悉逃掠其庫藏并民家財物  
數日至順昌縣據之時賊旣去邵武官民始復入城而  
順昌官民悉奔邵武閉城以守尤溪爐主蔣福成聞鄧  
賊之橫行無忌也因爐丁號集居民劫取聚落於是貧  
民有罪者悉赴之旬日至數萬遂襲尤溪據縣治與鄧

沙縣誌

卷之十一

變異

九

賊聲援相聞將劫沙縣欲遂攻延平五月延平府上其  
事於省於是御史丁宜右布政孫昇副使高敏并都指  
揮至延平以同知鄧洪尤溪知縣統官軍二千往沙縣  
殺賊鄧賊連約福成等合拒官軍軍皆沒焉丁宜等乃  
議發牌招諭令其解散皆得免死茂七等笑曰吾儕豈  
畏死者吾從尤溪取延平乘勢據建寧塞二關之入傳  
檄下南八閩誰敢窺焉殺齋書使者據貢川及王臺館  
地方立總甲里長遂據沙縣其勢益熾巡按御史張海  
始至延平乃以張都司劉指揮領軍四千往戰行二十



里至雙港溪口賊惟二十餘人伏左右村店聽軍導皆  
前都司將至後只數十人賊伏倅起舉排柵塞路前者  
既不可返遂殺都司并其從徒前衆回顧賊乃登山壁  
立吶喊官軍大潰六月初一巡按張上其事請兵討賊  
上差錦衣衛千戶劉壽兵部給令賚往招撫時都御史  
張楷巡省畿輔上急召楷九月初一日朝罷面諭楷曰  
福建賊人猖獗彼處官軍被賊設計陷沒數多你們往  
南京操軍候差去的千戶劉壽報到另有進止初三日  
朝罷內官宣諭昨晚報到福建賊人招撫不服必須出

沙縣誌

卷之十一 變異

三

師今添差都督劉得新陳榮與你每調用明白你每都  
來領賞賜初四日親奉 旨你每近前來如今福建賊  
人又害了一箇都指揮你每即便領軍前去務要勦滅  
盡絕 朝廷有大陞賞欽此楷等皆受賜而出十一日  
陛辭又奉面諭聽著你每不可遲福建一方百姓望你  
每來救他務要將賊人殺滅盡絕回時陞賞南京止許  
任三日欽此十月初一日至南京分遣劉得新往江西  
領原調官軍三千從建昌至邵武會合楷率官軍三千  
達達回回各三百戰馬五百疋從浙河往既至浙江撰



給榜文先往招撫隨帶浙江一路官軍至常山遣入回  
奏請益兵十一月初一日至廣信 敕到畧曰得御史  
張海等差官往諭鄧茂七等畏服從化聽丁宣等撫諭  
如爾等官軍到行都司可依前勅暫且住劄遙振軍威  
襲服賊心又曰丁宣張海先敕令彼招撫爾等到彼務  
宜公同謀畫雖職事崇卑任居統屬均受朝命尤須取  
其所長協議行事不許偏執自專有妨重務欽此適江  
西巡按韓雍及二司呈處州賊人葉宗畱等四百餘搶  
掠建寧聲往鉛山乞調官軍防護初三日調軍五百往

沙縣誌

卷之十一

變異

三

初五日賊到黃栢鋪領軍指揮戴禮等與賊交鋒射死  
賊首葉宗畱生擒從賊二名射傷二十餘人餘賊奔回  
向車盤驛次日又添官軍三百追趕賊散而還鄧賊順  
流而下水陸竝進至延平丁宣悉召官軍入城櫻城自  
守以二司孫邵往迎都堂初八日至廣信見予說賊勢  
猖獗見在延平攻城特來迎迓乞倍道而進度可濟事  
予具榜文二道令邵馳往招撫初十日 敕到畧曰御  
史丁宣等奏賊首鄧茂七等反覆不服仍肆劫掠處州  
賊人葉宗畱等復劫崇安等縣蓋此賊輕視福建兵力



詭詐反覆必須進兵勦捕庶幾兵威大振賊徒畏憚欽此先是處州賊人走車盤者見官軍回廣信散而復合於十三都拿人挑送行李因據關截路予命指揮戴禮領軍往陳榮謂予曰朝命我等叅將爲殺賊也今延平燬急而鉛山不通大軍密邇二賊竝熾地方甚急而我等逗軍不進顧命指揮彼若回京一說我等何所逃罪次日都督陳榮率戴禮等出軍軍無紀錄亦不知戰陳劄營之方至十二日猝與賊遇敗沒榮與禮等皆歿餘軍大潰賊旣得勢遂拔寨往浦城午後韓雍往接迎見

沙縣誌

卷之十一 變異

三

軍血汚狼籍言陳等之歿雍匿其事不報於予至夜半予方知其敗大驚次日謀添調軍并選精銳前進是日敕書到畧曰鄧茂七等反覆不服必須進兵展轉爲患不可因循姑息有誤事機今賊勢愈肆人心驚疑爾等宜夙夜用心不可頃刻怠忽欽此是日都督劉得新報領江西官軍已到邵武府欲往將樂策應問取進止先此得邵武府報鄧茂七領兵數萬造呂公車等具攻城差指揮戴廸馳赴比至賊已掠城而去矣至是復調官軍三百遙回八十名差千戶陳榮領去會劉進兵予接



前路賊去乃進軍至建寧隨路日惟求神許醮奠其陰  
祐而已比至建寧 敕書到畧曰得奏賊首聚衆陳山  
寨不服招撫又遣賊徒各縣搶掠延緩之久愈肆奸謀  
侵擾地方爲患甚大特命王瑾曹吉祥同征夷將軍寧  
陽侯陳懋副總兵保定伯梁瑤平江伯陳豫叅將都督  
范雄董興叅贊軍務刑部尙書金濂率在京精兵及江  
西浙江等處大軍前來征勦此時爾等已到福建地方  
未知行事如何敕至爾如已到彼卽酌量官軍氣力果  
可滅賊相機調度誅其惡黨以圖成功如料賊勢卒難

沙縣誌

卷之十一

變異

三

撲滅姑宜於有糧去處操兵振威延緩賊徒候陳懋等  
大軍至日一鼓撲滅庶幾賊徒盡絕可成大功欽此賊  
攻延平日久餘賊至太平驛副使邵宏譽領官軍一千  
達軍四十委指揮郭保統領并典史鄭烈領鄉夫百餘  
往泥坑下營與賊戰射死賊徒僅百人因殺賊首羅  
頓軍士墜者倍之亦以捷聞十二月十一日建陽路始  
通先是劉得新報於將樂殺敗賊衆斬獲若干至是殺  
賊三千有餘在建陽地方乃調官軍一千并鄉夫三千  
隄備建陽復令指揮崔源陳賢領軍一千叅政黃仕華



副使高敏領鄉兵三千到建陽於興中里與賊戰殺賊  
賊千五百餘并賊首魏宗得先是賊衆於近城五里迤  
小橋上把截柴米不通給榜令建安知縣胡欽往招得  
黃琴等三十餘人復業榜禁居民不許報警十五日  
敕到畧曰得奏你等在鉛山駐兵遇強賊葉宗畱出沒  
劫掠爾等已調官軍追殺入山議欲仍在鉛山緝捕盡  
絕恐福建猖獗已起營往行都司操軍振威敕至爾等  
仍依前敕姑且持重會兵撲滅凡彼中合行事務卽自  
斟酌停當隨機處置今後毋聽丁宜等往來計議展轉

沙縣誌

卷之十一

變異

一

延緩事無成功欽此十九日 敕到畧曰近聞爾等駐  
軍鉛山遇處州賊人葉宗畱等出沒都督陳榮同指揮  
戴禮領官軍二千追捕殺死陳榮戴禮等官軍推原其  
故蓋爾等先因殺敗此賊以爲得計寡謀躁進故陷賊  
計論罪俱當處死姑記爾等重軍敕至卽星夜整棚所  
領官軍專以尋襲葉宗畱一起務要運謀奮勇擒殺盡  
絕用贖前罪欽此先是沙縣賊首張由孫到延平自首  
復業至是引從賊羅汝先等詣予降願殺賊贖罪詳詢  
其情則謂鄧賊自將樂敗後皆據山自衛不履平地必



欲取之吾爲公從中說誘其攻城乃悉大軍吾爲內應  
夾而攻之可擒也先賊在浦城者往政和劫縣復分掠  
村落知縣葉志高奔至建寧請兵正統十四年正月初  
一日調軍一千以指揮陳賢領往比至則賊掠已秬載  
去矣轉浦城復大掠歸龍泉軍遂空還先賊首劉宗羅  
海郎七俱受鄧賊僞官掠財物聚陳山秦黃琴等用計  
擒出於初三日到軍械繫送京十六日前後凡發軍六  
千益延平殺賊遇賊攻城殺賊千餘賊稍卻予遂移軍  
往建陽聲言往處州征賊二十三日 敕到畧曰得奏

沙縣誌

卷之十一 變異

五

爾等欲會合劉得新官軍先將延平上下沿河一帶有  
賊去處勦滅盡絕就後移軍延平審察陳山寨賊勢不  
候大軍到來率爾等所領及福建官軍併力勦殺等因  
具悉然兵在量敵審勢度可成功爾等宜詳察陳山賊  
徒果離心散亂共勢可破官軍氣力足以滅賊卽密議  
調度一應官軍民夫相機勦殺務在擒獲賊首及情重  
人犯解京如陳山賊衆勢不可破爾等姑宜持重待寧  
陽侯等大軍至日協力勦殺如爾等敗鄧茂七事罪或  
有未盡散賊聽陳懋等大軍駐彼勦捕爾等與劉得新



仍遵前敕帶所領官軍先回浙江處州等處跟捕葉宗  
雷一起強賊務要盡絕以除民患爾等其欽承之欽此  
於是衆官復回建寧而太監等大軍亦至二月初一日  
報賊下山攻延平大軍往往延平城北預於溪北灣伏  
置火器至期賊擁衆溪南岸乘浮橋過火藥齊發打灰  
賊人數百餘遂驚潰官軍追趕生擒數十人鄧茂七亦  
死乃斬其首追至秋竹鋪賊遂大奔得賊船百餘隻具  
捷露以聞解送生擒賊徒并函賊首赴京先是鄧賊將  
攻延平至下南一路驛站燒燬不通往來至是遣人開

沙縣誌

卷之十一

變異

三

路始知福州動靜餘賊復擁茂七兄子伯孫聚後洋地  
方截一三月初一日平江伯與曹太監等各分路捕賊  
初三日予至王臺館居民千餘出迎半爲賊類皆令復  
業不問且令計擒餘賊未復業者前後頗有捉獲人口  
器械初六日指揮王鉞領軍於高陽里獲女將軍廖氏  
本婦甌寧人先嫁鹽商病故改嫁邵武縣人陳糧長被  
順昌賊首吳進寶掠爲妾又送與鄧伯孫僞號將軍此  
婦妖淫善幻賊敗逃回高陽里母家躲住報效吏林性  
來報軍衆擒獲衆官爭奪此婦爲功予先具本上奏以



爲已功餘賊不能陣逃匿民家前後爲官軍次第捕捉  
初十日至順昌縣治先被賊劫三次官吏逃逝居民離  
散衙門燒燬縣無居人就城駐劄遣軍四散搜捉僞指  
揮陳唐僞千戶陳石仙吳佛祖及僞制印符等十一日  
有報效生員趙旭吏何新領從賊五千除名并其杖械  
投首復業十五日有賊數十逃聚邵武縣山中亦被官  
軍緝獲十六日有從賊楊本立等二千餘名從招復業  
十七日有千戶孫興軍生擒賊首羅以寧等四十名送  
邵武縣監候十九日大軍至邵武將生擒從賊各斬首

沙縣誌

卷之十一

變異

七

號令二十日 敕到畧曰得爾奏憑羅汝先誘出鄧茂  
七與官軍對敵殺死及自首賊人黃琴設計誘拿截路  
賊首劉宗羅海郎七令先陞建安縣主簿羅汝先陞沙  
縣縣丞俟地方平定之後再行論功陞賞敕至爾等審  
察福建賊勢如果寧靖先領軍馬星夜回到浙江勦殺  
葉宗畱一起強賊以除民患欽此邵武縣賊首張用貴  
有衆百餘據九都龍山與鄧賊聲勢相倚至是張用貴  
帶數十人下山投首餘賊懼死尙伏在山官軍因往捕  
捉勦殺并縛張用貴等到營當時鄧賊勢熾府縣官民



逃散其有鄉村聚落悉皆順賊自南漳以南建陽以北盡爲賊有惟延平一城僅爲官守亦屢失屢復賊不久據惟務劫掠是以入府數日遂掠而出賊去官入故延平可任自餘鄉落在在皆歿故有總甲里長之名皆賊所署自張用貴營旣散之後猶有鵝峯山頂遺賊數百報效吏林性導引大軍三路而進賊遂走散墜崖落塹生擒數十人并獲僞印數顆次日回軍中途遇賊卽殺數人餘賊登山追趕上山復殺百餘人并獲器械百餘件次日回軍至邵武給榜招撫復業四月初四日浙江

沙縣誌

卷之十一

變異

三

聲報處賊猖獗請軍勦捕予等欲動民畱哀哭聲言大軍一去鄭孟誠黃安得等必來攻城無禦請暫畱此地方效順人等自能掩捕十三日 敕到畧曰得奏爾等自延平分兵一路擒獲賊首羅以寧賊徒數多亦見效勞敕至如福建賊人果已勦滅爾等仍遵前敕先率所領官軍先回處州等處擒捕賊首葉宗畱務要得獲以除禍本欽此十六日邵武府知府招得黃安得等七百餘人投首復業安得言順昌邵武一帶止有賊首鄭孟誠張四鐵劉孟誠三人未服招此則悉平矣軍中議定



統兵官領軍二千於鵝峯山下駐劄予與劉領軍四千過山直抵鄭孟誠巢穴至二十三日出軍先以軍一千往密溪口截賊前路大軍從山腰抵孟誠巢穴賊奔往與四鐵合但獲老幼數人燒其營寨次日官軍過山抵黃金井張四鐵與鄭孟誠盡數逃命止存空寨官軍獲老病四十餘人於是遣軍送順昌官吏生員人等復縣大軍從玉山往浙江應處州之急

出張公楷監軍曆畧此實錄也他紀多不

經故詳之

正德壬戌下茂人胡天秀倡亂月餘集黨千人四境騷動

沙縣誌

卷之十一

變異

三九

知府鄒公虞集兵殲之

嘉靖壬午以後尤溪鄭新集黨行劫侵及縣南東西都分俟集倏散鄉民日夜不寧分守蔡公潮同本府知府陳公能首尾夾攻得其首領賊遂潛遁後餘黨復聚出沒爲害至壬辰臺檄郡理徐公階帶兵征之公親歷其境且撫且勦餘黨悉平乃議設大田爲縣邑治成而前患絕矣民咸德徐公功焉

嘉靖三十五年民間訛言有馬騮精至云夜來時狀如螢火能魅人婦女不急救卽魘歿閭閻各鳴金鼓以防之



至之時日間有僧道四五人市符至夜卽有精至十一  
月至二十三都已魅數婦矣有壯夫知其妻不免也潛  
送之母家夜獨宿藏燈以待良久見螢火自牕而下漸  
及床似有人氣卽拳之墜地有聲發燈照之乃一僧也  
須臾不見遂呵衆逐市符諸僧道其害遂息至沙城亦  
逐之出訖無害但民間之防守者數日矣

嘉靖三十九年庚申八月廣兵叛由省城入尤溪向七都  
入沙縣坊牌嶺人據嶺守之賊偵知捕村民詰之俱云  
嶺不可踰將他往矣有黥者曰此澗水出何處對曰出

沙縣誌

卷之十一

變異

三

嶺下天明沿澗而入出其下仰攻之嶺上人星散遂出  
五都渡溪逕至北鄉行劫北鄉離此幾二百里且隔一  
溪莫有虞其至者無一人得免備極荼毒屯之數日有  
窺城狀邑人乃募永安積穀寮土兵以擲之兵至通縣  
相賀更生兵亦奮勇迅進與賊相遇於茂溪橋前之野  
纔合連殲數人賊敗遁歸兵之長有林廣四者頗知兵  
阻其衆曰賊勢已挫今日且將暮暫休息明日再戰未  
晚衆聞曰賊已喪膽不乘此時擒之復可令之作氣耶  
一涌而入賊退見兵所持者長鎗大旗不便於曲道乃



分一哨伏橋下前一哨待再戰廣四兵過橋伏起前後夾攻廣四兵果不能旋轉大敗乘夜奔回城中大震是夜賊卽往歸化路而去

嘉靖四十年永安縣三十都人鄧興蘇阿曾等以饑民奪食而起集衆數千流劫沙尤永大將順等縣無村不至有至三四次者雞犬一空爲害二載後周守賢宣以計撫之尋叛去仍劫洋溪徑侵尾歷時鄉民魏瓊等已結鄉兵禦之與戰十觀音堂下瓊旣合賊不敢進從之者潛背而散瓊猶獨立當之賊素畏瓊善戰亦稍退瓊始

沙縣誌

卷之十一

變異

三

遁數千家之積俱爲糜矣初議守時衆欲移家以待令無內顧憂有愚者曰使家不在人誰肯戍守及戰人各思爲家故有是收後周公復招乃定養以爲兵今延平南營是也

嘉靖四十二年永安縣人有劉永祖者少充皂隸給役布政士綸之下綸好方術永祖亦好乃使之專待方士頗得採戰淫術至是年七十餘矣乘世亂乃造妖言云世將大水人無噍類當長素遷家以避之又自稱漢高祖嫡孫當有天下陰結奸民林文乾等入村煽惑村民無



知率信其教叢而和之以修道爲名舉家財妻子而從之者幾四千人遂結寨於集峯之頂陰署官號分立部曲日夜設險防守潛通三塗勅賊爲援欲以圖爲不軌幾五越月矣縣人患之聞之郡周守賢宣周至以計招之劉猶負固云至八月散復潛招外賊入境爲張聲勢蓋劉曾以八月大水惑鄉民故執之爲信時大賊在境官兵亦不敢妄動及外賊爲鄧子龍所平譚軍門綸劉都督顯大兵屯延平八月中秋月明無水患愚黨遂散永祖亦以十二人逃縣偵得之遂於鄭坑捕獲解府處

沙縣誌

卷之十一

變異

三

斬

是時永祖所通三塗賊陳明光等四千人從尤溪入沙縣屯五都高砂江西有梁叅將者以督府命來勦與戰於洛陽鎮都督橋頭爲伏兵所掩不能操一戟發一矢伏地待命而歿一軍皆盡惟餘四百人歸府報至郡城大震會有車門把總鄧子龍者以部兵一百八人至周守賢宣遂領之道溪北山路以進鄧至選沙兵之精銳助之與戰於琅口街四合而射歿其九人賊大敗復由尤溪以遁是役也非子龍至沙危甚矣至今人頌其功



云以上俱  
舊志

國朝

順治三年丙戌 貝勒王統大兵至府委隨征功貢董璘

署理沙縣

四年實授至七月二十八日草寇扶偽新述 羅圍

城三月有 因伏為內應至十月十一日午時開門

以勦除衙役為名董令被害

五年三月草寇聞大兵至盡逃竄總兵馬士秀入城安

民

沙縣誌

卷之十一

變異

六年十一月初九日總督陳 統師攻將軍寨平之

康熙元年奉 憲撥遷民屋安插投誠

八年九月守城

十三年甲寅三月十五日傳聞賊來攻城百姓防禦至

二十九日耿逆變亂

十五年丙辰九月 大兵恢復 以上俱

變志

宋

元豐間邑人羅師服一夕夢羽衣人授以詩云吾聞仙桂

作叢榮紫陌先登歷幾春昨夜嫦娥親付與黃金榜上



第三名明年里中陳瓘果符其徵因以名坊

崇寧癸未春本縣有異鳥集陳正敏舍明年巢天王院如

嬰兒聲僧惡甚按巢得一雛烹而食之是歲正敏喪父

隣居人與寺僧歿者數十或云卽賈誼所賦鵬鳥也出退

齋閒覽

定光佛嘗經沙縣幻身為老僧自溪南虛步而渡李忠定

適遊溪許見之知其異人也乃延叩姓名土著僧曰鄭

姓世居泉南今往汀州忠定曰子冑為我留乎曰不可

因以前程卜之僧援筆作偈曰青著立米去皮那時節

沙縣誌

卷之十一 變異

三

再光輝初不知其謂何及靖康改元詔徵還朝始驗偈

中意焉

羅鞏大觀間肄業太學學中神祠甚靈鞏以前程事默禱

之夕夢神告之曰子已得罪於幽冥宜急還鄉前程不

須問也鞏懇之曰某平生操守惟謹鮮有過舉愿告獲

罪之由神曰無他過惟父母久殯不葬耳鞏曰家有兄

弟獨罪鞏何也神曰以子習禮義為儒士獨任其咎諸

子碌碌不足責也鞏寤悔恨遂束裝歸甫及家而卒

昔有何姓者忘其名矣嘗尹處州龍泉縣夜夢美女入謁



之詰且縣人禱雨于仙姑祠得聖水一瓶爭取之不均  
訟于尹尹知其異悉收之任滿攜歸分爲三以俾二子  
一女一藏七都大基巖一藏八都泡塢一失藏所歲旱  
鄉人啓瓶取水水涌而出噴起一二丈遇蛇虺則雨  
鄧有文葬母於洞天巖之上巖石忽迸小隙出泉一脉可  
給數百人今爲觀音閣鄉人祀之求泉於隙隨人多寡  
飲之俱足

明

善峽團班竹溪有竹可爲燭燃晁亦無灰相傳昔有一人

沙縣誌

卷之十一

變異

三

夜借宿其家辭之曰吾小村無燈可照今晚不敢納也  
借宿者曰何患無燭前嶺上竹皆燭也教取以燃遂傳  
至今

成化癸卯歲當大比正旦日教諭周政躬禱于邑之城隍  
祠夜夢立於樞星門下風雨大作有神人曰寓舍後井  
二龍潛焉今將啓蛰矣時惟曾生侗在側旣覺知其兆  
在侗作詩期之至秋生果得第

弘治壬子三月間教諭錢光訓導王永芳率諸生詣府應  
試旣畢歸舟泊大磯灘側居民設取漁舟人卜曰舉



得魚吾邑必有登科者果獲一鯉衆皆欣然以爲祥有頃又一鯉跳入舟中是歲庠生謝臻果與鄉薦

翔鳳橋燬於正統間惟餘石墩右罅歲久野棘生焉正德二年棘叢忽發異花五色交糝匪夷所產者次年同知計公遂重建是橋是亦爲之兆也

始建翔鳳橋修累石墩已竣功時有尪羸老人過焉指餘石語匠者曰墩勢雖高尙靳一尺必足之而後可匠者怒叱之曰汝第能言爾安能搖兀一石耶老人以足蹴巨石飛墜溪中須臾不見衆皆駭異拉數百人入溪曳

沙縣誌

卷之十一

變異

三

墜石竟不能舉乃相戒曰此神人也墩皆如數加石明年大水勢果過之非加石不能殺也是老豈神耶

野有老狐竊穴翔鳳橋夜澗斷行迹蹒步者過之狐每幻形爲美女以婚人值之者必死數十年無從獲者方令紹魁啓篆之初民以妖聞方令曰昔鱷魚爲暴韓子諭之以文陳堯叟張羅戮之予不能爲韓之諭矣陳之戮當任其責焉乃命居民分捕之數日一狐雷震歿一狐奔入縣庭若伏罪狀因卽殪之其害遂息

嘉靖辛丑春二十二都徐枋有一老媪家巢據其室此巢



能言自稱仙姊。謂里人與之對談，往往能知人私事。又好音樂，每夜至先以瓦礫拋屋上，媪問之曰：「仙姊來耶？」崇卽對曰：「我來命何人具酒請何人來同樂？」鄉人惑之，莫有虛夜後傳聞四鄉，無遠不至。問以休咎，隨聲而答，亦多奇中。尤能知遠人小名，途中小事，人益信命。媪取香錢自給，媪益利之，數月之間，隣邑皆動，求者如市，爭以酒餽餉之。崇自處幔中，對客言笑自若，初祇能飲酒，後竝肉食，能盡之人始驚訝，稍遠之歲餘而息，竟不知其何鬼也。

嘉靖甲辰秋七月十六日未時十一都大路傍有巨石一片，方數丈，忽暴雷雨震，電石傍數十丈，皆黑，莫辨隱隱雷鳴，不止。往來者俱阻，不敢進。約二時頃，乃雨晴雷止。行者至，見石上刻五十七字，大六寸，皆如符篆之文。又有如禹刻者，竟莫辨其何字也。歲久，今亦糊糝不可別矣。

嘉靖丙辰四月大水，後太史溪中高山巖下，忽豎起一石，狀類朝冠，濶八尺，高丈許，竝立中流。且其傍石有舊刻云：「馬小十一乘五字，又倒刻云：『政和元年十二月二十』」



八日記

嘉靖辛酉柿樹生茄桐樹生李各雜木生芽如刀劒狀時  
山寇大起

二十三都銀河祭之對面舊於水中有石黃色狀如牛鄉  
人遂名之曰黃牛石古有識云黃牛石上山杉口人做  
官余童時往來其處石在溪中後稍稍漸進水涸石後  
尙空過二大船今漸漸進入山崖抵崖已至山麓矣近  
有里人林一舉者以選貢爲南陽府訓導以爲驗焉

萬曆壬午三月菊花盛開五月芙蓉盛開是年卓子鈿以

沙縣誌

卷之十一

變異

三

書魁閩士人以爲瑞也

乙酉亦三月開菊五月亦盛開芙蓉年亦無他應

丙戌四郊竹開花四瓣下垂如燈籠黃色中紅是處有之  
十五年十月新學明倫堂之西掘地得一坎廣六尺深八

尺高如之皆以花磚甃之中置一石大如碗圓如珠絕  
無追琢痕又非天生者不知昔人果何爲者至卓君鈿  
見云渠鄉一山菴上僧常見山麓有夜光一僧黥潛識  
而發有坎正如是中亦置一石與此正相類或以爲葬  
穴或以爲齋僧棲宿之所竟不知何爲也



國朝

康熙三十五年黃竹生米

三十九年五月縣治芙蓉盛開 以上志異

世恆以辨萍實商羊獷羊為孔子之聖然孔子不語

怪也記曰禍福將至有開必先亦在夫人之自取云

爾若夫非理之異是謂自異君子不之異矣

古蹟

舊縣治 在縣東十五里 舊儒學 在縣西二百步許 錢監 在縣北三里舊傳為

鑄錢之所 七峯驛 在郭內 同爵驛 在縣四十里宋 尉司教

沙縣誌 卷之十一 古跡 三

場 在尉司 元軍營 在縣東三百步 沙陽鎮 在縣東宋時 崇安鎮

在縣東九都五代時置相傳 洛陽口鎮 在縣東八都寨

洛陽口寨 在縣東八都宋元豐三年設巡檢彈壓 省倉

監倉 俱在縣 浮流贍軍倉 今隸 常平倉 在縣 義倉 在縣

門之 社倉 在縣治中 舉子倉 在縣治西沙俗貧而多子

積粟遇孕婦五月至免乳以米一石 古銅場 在縣治東

二斗給之已上七倉俱宋時建今廢 縣對岸唐 銀場 銅場 俱在縣西二十九都龍岩縣界

時置今廢 永安 舊鼓樓 在縣治後山之西北 風雨壇 雷雨師壇

亦廢 二壇俱在縣西宋時建此 以上舊廢 商稅務 在魁星

二壇見漳州志朱子立



時建明洪河泊所在縣東興義坊舊存恤院址明洪武十五年改建正德十四年裁廢稅

課局在縣南南門內朝陽樓側嘉靖八年裁省東倉在十三都桂口西倉在二十二都尾歷

商倉在入都環口已上三倉俱明嘉靖四十一年裁廢以上廢俱公署

鳳崗書院在溪南鳳凰山下宋淳熙十年邑人黃灝建中為講堂曰麗澤後為二閣一繪先聖先師

及周程諸儒像曰仰止一藏書籍曰尊經生徒肄業齋舍凡十有二曰輔仁曰營道曰尊性曰尚忠曰時習曰

日益曰止善曰敬業曰篤行曰循理曰守約曰履正別有游息亭閣十有餘所宋末版於兵寄傲軒

羅先生從彥藏修處也羅詩自嗟蹢躅復涼涼餬口安能仰四方日送歸鴻心自遠門堪羅雀日偏長家徒四

壁禮乃綠侯戶千頭橋又黃我醉欲眠卿且去有陪俗客語羨皇陳淵詩南總爭似北總涼寄傲乘風各有方

俯仰向嫌天地窄卷舒寧計古今長酒斟盞裏浮醅綠菊採籬邊滿眼黃萬事醉來俱不醒時飛清夢到羲皇

沙縣志 卷之十一 古跡 罕

顏樂亭羅從彥詩平時仰止在高山要以亭名樂內顏顛倒一生渾是夢尋思百計不如閒心齋有與

塵汗染陋巷寧容俗徑還堅守簞瓢心不改恐流乞祭向墻間陳淵詩亭名顏樂枕高山自有行藏遠契顏玉

陞不求千載遇華門贏得一生閒簞瓢陋巷堪遊衍富貴浮雲任往還更續洛川求所學會傳餘論落人間

濯纓亭羅從彥詩十載猶縉京洛塵歸歟那復厠朝紳君今談笑青油幕我但巍峩烏角巾江漢更從

尼父濯衣冠寧美屈原新欲廢孺子滄浪詠會意須還舍瑟人陳淵詩涉世誰能不混塵幸無塵土點簪紳滄

浪解洗許由耳醺醪還澆清節中心地已非汗可染盤銘自警德常新此亭要與名俱永不信西風能汗人

靜亭羅公詩鼎創新亭靜更幽四時景象鎮長雷端如和氣裏談笑恍若春風中泳游排闥山俱藍色重

憑欄水擁壁光浮我來登賞無窮處好具瞻堂李忠定把詩篇與唱酬以上皆豫章羅先生建

初謫監筦庫暮年而罷新安呂之望具瞻堂記宋鄧肅代之扁其堂曰具瞻以致瞻仰之誠



撰 大丞相李忠定公宣和初以左史論時事之六

縣筦庫葺平而罷宣和末以奉常還朝與決大計遂

參左轄 騎迫城公以身蔽之 退還元樞未幾而

遷為左僕射紀律稍正羣盜向息而公又逐不數月

翠華有維揚之幸故天下識與不識皆謂公之出入

朝廷輕重非近世名臣所可比也東坡曰兒童誦君實

走卒知司馬吾今於公復見之矣新安呂之望以智謀

中科得官九品筮仕之初襲公筦庫之職一日居其室

而四顧曰此非大丞相李公之所憇乎平日仰公如秦

山北斗今以職事繼公後塵其瞻仰之誠參前倚衡如

見公於上雖食息罄歛之頃不敢輒忘請新其堂而榜

之曰且瞻所以致僕拳拳之誠且與後來有知者共之

堂成余即造焉雖喜呂子趨向不几且為呂子危之李

公直氣充塞宇宙不能一日安其身於朝廷之上當時

願留之者殆以萬計幾坑於奸佞之手有抗章以挽之

者皆斥竄流離去朝廷數千里甚者至於梟首通衢以

竦天下呂子何恃而敢如此余切為呂子危之因以告

沙縣誌

卷之十一 古蹟

聖

之曰前日成諫之士今此去國之臣皆子從游之舊當

時議論子無不與之者朝廷大臣蓋切齒未有發之耳

故去年省試子雖優擢有司觀望吹毛求疵竟不獲廷

對今不省愆易慮默默安職復爾作為是自貽咎耳後

悔其將追乎呂子曰諾坐 瑞花堂 葉隆吉家無種而生

此獲罪薰香多矣謹候之 瑞花堂 以狀如牡丹因名堂

瑞花堂序宋鄧肅撰 政和間有瑞花生於葉隆吉超然

根眾雖異之竟不知其為何物也超然一旦抱其所能

笑入成均且十餘年靖康間以智謀中科得官未試連

炎二年再擢進士第易紫衣藍歸拜其親里閭榮之友

人鄧肅志宏為梅其所居曰瑞花堂且語之曰物亦有

不根而生者乎草木無有也造化之英不能自鬱其達

而在上則有輪囷之雲扶疎之桂行於天而現於月若

無俟乎根者其降而在人也則所謂將相公侯寧有種

乎是也今超然以寒儒家連取文武二科猶掇之也異

時將相蓋唾手可取較之雲卿月桂初不俟根若無甚

異者然則瑞花之生豈偶然哉雖然閭者須明月乃燭



之早者求蘇云乃澤之彼蒼蒼者豈徒爲是無種之物以駭人哉蓋以種種而生者政有損於此耳超然其勉之吾輩所謂將相云者亦豈特爲觀美而已乎今天下須明求蘇者蓋不可世一二計超然其勉之建炎三年七夕鄧義齋葉隆吉作胡義齋記宋胡寅撰孰不趨利其所當趨避其所當避者皆是也烏知真利害之所在距以貨爲利者也受以酒爲利者也周幽以豔女爲利者也太康以擊狐豕雉兔爲利者也方其欲之故不虞害及其害至則思利而不可得矣是故易不遜聲色不殖貨利大禹懲旨酒文王而不敢改抑有甚焉朱利於爲我翟利於兼愛聃利於虛放申韓利於慘殺彼亦自謂道之大全也爲我則害仁兼愛則害義虛放則害禮慘殺則害智是故周公禁苛言子夏闢小道孟子距詖行絕淫辭抑又有甚者焉使斯人父子不相保君臣不相邇兄弟乖序而男女夫配體軀棄敗而秉彝珍滅方且語之曰爾富之未充歟貴之不足歟壽命之不长歟適快之不廣歟憂怨之不釋歟痛疾之不免歟凡有

所願欲祈嚮之不遂歟汝能聽吾今之生修其因則來世之生獲其果必矣貪利之夫既吞此餌而其微妙之說則又謂空爲真謂有爲幻謂寂滅爲樂謂夫不能脫於者與飛走萬類轉化無端或以罪辜受辟冥罔深悲而慟憫之於是雖明智之上有不免懼化者迭唱更和利於無死生之患謂道至是然後極率天下之人入於殊類而不自覺其究也迺獨成彼居處飲食衣服之利耳彼斯術之師以何爲道肆然居侈然食陷其身與心入之於殊類洋洋然而不慚而斯人相與聖而神之蓋千有餘年凡堯舜禹湯文武孔孟所以修人紀位天地育萬物者除掃荒蕪日甚一日是豈直入害而已哉有道於此因天之高而載因地之下而履因日晝月夜而作息因陰陽代行而播斂因萬物之材而服役制用因人之不能不夫婦也教之以正而順因人之不能不父子也教之以慈而孝因人之不能不兄弟也教之以友而恭因人之不能不君臣也教之以仁而忠凡紀綱法度刑政禮樂之用皆猶是也泛酬曲酢未嘗不當萬變千化而心則自如水之必溼火之必熱止於各得其宜



焉耳夫淫之在水熱之在火豈僞設而用潤與煖者豈附益哉是故各得其宜者中國聖人與之義斯義也言子小人之所以差華夏之國聖人與之義斯義也言以不同聖學異端之所以殊絕自孟氏沒寥然而無傳矣必欲治心修身扶世導民愈久而無害舍是而無足為者也沙陽葉公超然而先覺有人中至正之教心篤好之收合族黨子弟使一以是為師障異端之波度其不溺百舍重趼求余交以記其齋余淺陋焉能廣子意子其歸以五經孔子孟之說充舍中帥二三子拳拳服膺若董仲舒所言仁人有正明無謀計者可也如其反此請所他岐或不與義比以自役於八害之域則按孔子故典鳴鼓而攻之是天地之常記顏樂齋羅先生從彥齋居經古今之通義矣是為之記顏樂齋羅先生從彥齋居光日帶黃瀟然茅屋枕池塘自知邀月臺羅詩矮作垣寡與真堪笑賴有顏瓢一味長邀月臺羅詩矮作垣邀明月寫襟懷也知鄰關瑞芝軒芝生鄧肅家凡十有非吾事且把行藏付酒杯

沙縣誌

卷之十一

古跡

聖

軒曰瑞芝凝翠閣在太史溪上宋李忠定公謫官居此有記今闕

不關宴樂樽壘在天半嬉遊歌吹落人間基枰萬井東西郭畫軸千屏遠近山賢尹風流占仙籍青雲隨步隱躋攀又鄧肅詩欄前碧玉四圍寬滿座春風文字歡霜

氣襲人秋爽溪光耿月夜生寒登臨顧我那能賦姓字從公遂不漫此景此時難再得相思但把錦囊看以上舊廢

豫章書院嘉靖二年新廢已上俱名賢遊息之所記詳特祠內

鄧光布宅張若谷宅黃復宅以上三宅俱在縣東

曹輔宅在縣東南五都洛陽羅崎宅在縣治西陳璿宅里高砂今廢為民業和仁坊

在縣西勸忠坊宋嘉定二年鄧肅宅在縣東五都洛陽里

年郡守余嶠訪遺迹得之鄧肅宅城頭鄧墩

胡清獻宅在縣東南四張致遠宅在縣東與義坊赤硃山已上名都湖源街



賢居宅俱舊廢

湖山偉觀樓 在縣治內 覽輝閣 晚對閣 集鳳閣

借涼閣 挹爽閣 西池閣 以上六閣俱在縣治內 宋時建今廢 仰高亭

亭 在縣治正廳之右 洪武二年建為官僚遊憩之所 水心亭 在縣治內 宣詔亭

大門左 頌春亭 在縣治大門右 以詠歸臺 在學宮之前

臨流水寶祐六年縣尹徐公鉉孫重建 傳心閣 涌翠亭 在儒學講堂之

在儒學 環翠亭 在縣治東南 觀音閣 在縣南門 觀風閣 在

鳳橋南宋元符三年邑令謝公濟建 七峯閣 在與國寺之前 對七枕碧閣

在九都廣成菴東庶宋大觀元年邑令王瑾建宋鄧肅詩清流繩斷炎洲境松響挾將寒意來坐上逸情雷不

沙縣誌

卷之十一 古跡

四

任欲隨風 凌虛閣 在縣南碧雲宮之下 觀瀾閣 在真隱峯之下 涵

清閣 在朝陽妙高峯間 碧天閣 在縣西北 陶琅溪閣 在

東南八都 禪山閣 在縣西南 臨津閣 在縣西 二

至正二 瓊山亭 在洞天巖之麓 引水流觴 漱玉亭 在洞

之樓碧亭 在縣西南 清陰亭 在二十三 碧雲亭 桂華

亭 凝翠東亭 凝翠西亭 環秀亭 真隱亭 妙

高亭 朝陽亭 上八亭俱在 一覽亭 在溪南虎丘山上

三寺樓臺煙霧裏 桂枝亭 在縣治南 惠慶福亭 在東嶽

沙口亭 在縣東 已上在山川俱舊廢



龍光寺 在縣西歸仁里 再興寺 在縣東 龍興寺 在縣東

宋鄧肅嘗避地居此鄧詩傍山怪石蹲萬虎奇絕去天無人五卻攀叢棘下山腰丹碧繡空飛棟宇道人養素

厭塵勞避地只嫌山不高那知行空老曼倩竊食不遺王母桃松檜參天更幽絕碧玉樹蔬飴炊雪百年冷坐

無車音一旦俱來真惡客當此喧寂無殊觀出世何妨在世間能致吾人師作古龍興今日始開山瑞峯

寺 在縣東 寶慶寺 在縣南 龍山寺 在縣東南 靈應寺 在

東十都宋鄧肅詩松篁擁翠入雲間雅稱高人倦道閒自是紅塵飛不到一溪流水遶青山老木森森小徑斜

炎煙橫鎖兩三家晚來欲寫 靈龜寺 安禪寺 俱在縣

蕭疎景舉目遙岑更望賒 靈龜寺 安禪寺 俱在縣

東南 齊雲寺 在縣東北 靜林寺 在縣北 資國寺 在縣東

五都 安峯寺 唐興寺 上二寺俱在縣 資壽寺 在縣東 大昇

寺 在縣東北 通文寺 三峯寺 上二寺俱在 新塔院 在

東南洛 地藏院 舊移孝效忠院 宋樞密使曹輔功德院

陽里 義興福院 在縣南 金峯院 涌興院 靈光院 白塔

院 觀音院 上五院俱在 聖興院 在縣東北 棲霞院

太平院 上二院俱 龍龜菴 在縣北十六都 長興寺 在縣

八永興菴 在洛 長亭菴 在洛陽 隱龍菴 在洛陽 廣成菴

在縣東 招福菴 在縣西三十一 雷霆菴 在縣北 興隆菴

九都 壽國菴 上二菴俱在縣 福安菴 在縣北 楞巖堂 在縣

照堂 在縣東 如意堂 在縣西南 駐雲堂 觀音堂 龍

沙縣誌

卷之十一

古跡

聖



龜堂 龍興堂 廣慶堂 上五堂俱在縣西三 隆興堂

在二十 順慶堂 在十 明興祖堂 在縣東 後溪堂 在十八

至正 間立 以上舊廢

延福寺 賦拂波茅亭竹檻老杉喬松修竹溪聲古渡凡

八詩皆寺中景也拂波亭雜詠好竹自著汗水清魚可

見風翻青林端勢拂滄波面鷗鷺來親人雲山坐觀遍

茅簷月色新十里拖寒練茅亭詩湖山冉冉湖山清竹

色湖光總照人莫道茅亭只如許一回來看一回新

竹檻詩繞檻欹斜仗萬欄僧家元在翠微間看雲石上

無任著惟有白鷗知我聞老杉詩閱世經今幾百年岩

崑枯榦獨依然閒將景物推尋遍只有湖山在水前

喬松詩老榦交枝鐵曲蟠莫言辜負大夫官霜林葉盡

雪花落看取擎天萬丈寒修竹詩風煙長養籜龍班要

數千竿與萬竿時有人來護新笋從今不要報平安

沙縣誌

卷之十一

古跡

哭

溪聲詩木落灘橫轉不流無端風雨更瀟瀟霜寒月白

松聲息倒瀉天河下次寥古渡詩南來北往幾曾停水

上歌呼崖上噴為語少年 玉山寺 在縣東五都 義恩寺

莫停權世間能有幾人間 烏石院 在縣西北九 清和道

院 在縣西和仁坊 原和道院 在縣西歸仁里 玄貞道院

在縣西歸仁里 慶龜道院 在縣西歸仁里 佑聖道院 在

宋淳祐三年建 慶龜道院 宋景定四年建 白石道院 在

北感義里宋 潛貞道院 在縣治西和仁坊 宋王簿丁德

紹定五年建 潛貞道院 宋端平三年建 白石道院 在

西北九都一名白石菴元延祐五年建 宋王簿丁德

孫臨江仙二首白石清泉塵世少天然非郭非村數聲

金磬報晨昏洞淡無俗客書靜掩柴門 午夜瓊花開

紫府綿綿春意長存功成鞭鶴跨崑崙壺中閒日月袖

裏小 玉華道堂 在縣治東興義坊 玉泉堂 在縣西南二

乾坤 元至正二十年建 王泉堂 在縣西南二



間建圓通堂在縣西南二元宜福觀在縣溪南真隱峯下舊名宜福堂宋元祐八年  
建淳祐十二年改爲觀普度堂在縣治西和仁坊以上新廢

上俱二氏之居

李鄧二公祠祀宋丞相李綱左正言鄧肅

中舍鄧公祠以祀宋中書舍人鄧驛詳見人物志淳熙中丐蒼臺撥田入學因立祠以祀之

安撫薛公祠以祀宋安撫薛世清淳熙中世清丐郡撥洞化院出入學因立祠以祀之

通判黃公祠以祀宋邑人黃復詳見人物志淳熙中縣令翁永年建

招捕陳公祠宋紹定中權縣劉簡子建以祀知南劍州兼招捕使陳韓詳見名宦志以上五

儒學內祠俱在已上特祀俱舊廢

沙縣誌 卷之十一 古跡 聖

上狀元坊爲南唐狀元張確立下狀元坊爲宋狀元張安立無雙坊因橋

叢桂坊前薛家坊爲陳確立探花坊爲陳確立勸忠坊宋嘉定間郡守余景瞻爲

陳確故居爲書錦坊爲宋鄧尊堯坊宋令段震午爲陳確立今社稷巷登龍

坊爲舉人梯雲坊明令倪峻爲青雲坊明令鄭恕爲舉人陳篋立以上

十一坊俱顯忠坊爲南唐靈衛魁星坊宋令劉克剛爲

立興賢坊明令鄭恕爲舉人文魁坊明令馮以行爲毓秀

坊爲進士凌雲坊爲舉人擢秀坊爲舉人劉嗣立進士坊天順

爲進士官榮立在縣前中尙賢坊爲宋鄧資忠坊爲宋

言鄧表瑞坊宋令段震午爲鄧肅瑞芝軒立登雲坊爲



人上官儀立在縣省魁坊宋令段震午為宋顯帥坊表

北十六都茂溪撫鄧宗仁宅上二坊俱在尚有所建者平政坊

縣西南二十三都荆村雲錦坊市心坊上三坊俱城西街折桂坊安民坊

坊宣化坊以上四坊俱在招慶坊廣譽坊城東坊

坊明慶坊龍池坊佐理坊登瀛坊登俊坊

開明坊以上九坊俱在旌德坊崇因坊思齊坊

賓興坊襲慶坊崇勳坊額俊坊慶成坊延

禧坊德星坊榮遠坊福星坊以上十二坊以上

俱舊廢明令陳光泰為舉人新廢已上俱鄉賢坊表

沙縣誌

卷之十一

古跡

吳

登瀛橋俗呼東門橋在縣東門外介仙洲之間宋初建

守胡舜舉重建累石為址覆以亭邑人呼為胡公橋尋

復置浮橋橋朽不復修仍用舟渡

舊翔鳳橋正德三年本府同知計公按邑募富民復建

為橋百丈雄丹青綺閣遍西東亭亭明月來天外隱隱

長虹見水中滿眼儘多橫架客幾人曾樹濟川功荷

恩已擢青霄上雷得清風播不窮

翔鳳橋記同知計宗道撰沙陽翔鳳橋落成其邑令率

張燕城南之梵王宮絲竹間作歡聲盈耳酒酣情暢於

是令朝爵載起為謝曰夫橋之成侯之為勞居多矣予

日奚以為謝哉吾之所以勞於橋者皆為民耳抑非吾

職之所當為者乎第慨斯橋坐廢於六十年草寇之餘



幸而一復之此豈人謀也天也然固不能不假於衆力之樂助而可一錢之能成者蓋工役不下破數千金爲橋墩則十有三爲橋屋則百棟其間南北爲門爲坊爲亭爲大殿中殿爲佛爲神之像爲看守供奉香火之田瑣碎弗可殫舉其長則亘百丈其濶則三丈有二尺其高則踰十尋是又可推焉於戲吾力得少盡斯矣雖云微力吾敢辭哉是用昭記于石蓋將告諸後之同志君子使時一問可也故復予爲之手書昔在正德四年己巳冬月廿六日賜進士解元奉政大夫延平府同知柳州計宗道撰

墓名賢之丘壠也邑之當表著者十有三  
鄧將軍光布墓 在十三都 碑碣猶存 曹長官朋墓 在五都高砂 九曲水濱 越

王墓 在八都越王山上相傳越王屯兵于此而歿因葬焉 羅殿撰崎墓 在縣西 北九都 鄧

正言肅墓 在縣東南 曹太師輔墓 在縣東仙洲山上墓下有院建炎二年賜

沙縣誌

卷之十一

古跡

哭

額曰移孝效忠度僧守之今廢龜山楊公撰墓誌銘

宋興臣一海內養息天下幾二百年民生戴白不見兵革自三代而下承平之久未有如是之盛也崇寧以來

大臣肆爲蔽欺盤游無度侈汰日滋諛言盈庭而法家拂士不容於時故上下俱溺於燕安鴆毒而瞑眩之藥

弗進天下病之無敢言者是時樞密曹公爲秘書省正字獻書盡言犯而無隱上皇優容之初不加怒有旨赴

都堂問狀宰臣王黼詰之意有在焉而公語不酬黼怒翌日編管郴州人皆爲公危之公獨怡焉自若雖名隸

罪藉而清議翕然歸之以爲公輔器也淵聖嗣位召爲御史自御史六遷爲延康殿學士簽書樞密院事從人

望也公諱輔字載德南劔州沙縣人曾祖遲贈正奉大夫曾祖妣鄧氏咸安郡夫人林氏齊安郡夫人祖寶臣

宣德郎致仕贈正奉大夫祖妣鄧氏高平郡夫人考字贈宣奉大夫妣羅氏咸寧郡夫人公幼穎悟絕人大父

常奇之謂異日大吾門者必此兒也元符三年中進士第調福州寧德縣尉以宣奉公臥病乞侍養丁母夫人

憂未除丁宜奉公憂服除調壽州安豐縣主簿改通仕



郎試中詞學兼茂科特轉文林郎除一月敕令所刪定  
官改宣教郎乞補外通判安肅軍用年勞轉奉議郎除  
管南外宗室財用未一月除秘書省正字磨勘轉承議  
郎上書編管郴州坐廢六年量移袁州初在安肅兼推  
場事得旨市北珠公奏疏其畧曰以彼錙銖之物易吾  
伯萬之資彼誠以此養士則士勇以此養戰則戰勝是  
借寇兵資盜糧也上悟而罷靖康初召還被旨引對論  
事罪上曰朕所慮為無將也公曰昔漢高祖得蕭何為  
丞相何進韓信為大將軍屬以兵柄卒成帝業相得人  
則韓信出矣無將亦非所慮他日又論漢用蕭何而得  
韓信漢王失軍亡衆跳身遁者數矣何嘗從關中遣軍  
補其處非上所詔令召而數萬之衆會與楚相守滎陽  
數年軍無見糧何嘗轉漕關中給食不乏夫將與兵食  
當是時無急於此三者而何獨論之則天下大計在得  
一相而已今宰相縱不能如何所為盍亦各輸所長兼  
採衆論夙夜勤畏協心戮力共濟艱難以成中興之業  
乃因循苟且日復一日無肯以身任責者遂至緩於事  
機誤國大計此而不懲後將何悔願正其因循苟且之

罪而罷黜之因而奏曰陛下用此數人於艱難之際敗  
事必矣上曰卿姑待之公曰國家存亡在此一舉不容  
猶豫上曰朕已有處置次日奏事罷徐進曰臣前論宰  
執陛下語臣已有處置未見行遣臣言官論列大臣勢  
不兩立以臣言為是乞早施行不然臣且有罪不復居  
此職退而居家待罪上手詔褒諭遣中使押令供職又  
乞以河北河東陝西三路有習知山川險易出入向背  
會為三圖以進標揭控扼形勢之地以究知分屯戰守  
制敵之要遣將出師則按圖指蹤而廟算決矣又言王  
雲出使遣入回奏大金意欲得十六字故號及王輅袞  
冕儀物之類目云不復索三鎮朝廷釋然辭憂欲推尊  
借大為不可加之語以崇奉之乘輿上服徑推挽出境  
以為屈已愛民社稷大計當如此臣竊以為社稷大計  
在此一舉誠不可忽然或者或憂於一時而不知移禍  
於異日將使天地易位神民失歸逆行倒置有不可言  
者為患為辱古未有也何以言之既與之以如是之名  
彼將緣名而責實既與之以如是之器彼將緣器而責  
實一二年間或以觀兵較獵或以省方巡狩為名悉其



國眾進壓我境侈辭大意以號令我自謂據邑中最大  
臣妾海宇當是時能俛首而聽之乎抑猶有以卻之也  
卻之則強弱不敵禍且甚於前俛首聽從則天地安得  
不易位神民安得不失歸乎又引魯仲連卻帝秦之說  
以為證累千餘言曲折詳盡此其大畧也公在試院中  
聞諸奉使計議人竝改為和議左右一二輔臣議不協  
遠圖引去公奏疏曰今之議曰一於和非也一於戰亦  
非也一於和則他勢憑陵國威沮折三鎮之復尋前約  
一於戰則堂堂二百年基業決成敗於交鋒之間其危  
甚矣臣願以和為名以戰為實二者不可一廢惟吾先  
後用之耳上淡然之即試院中除諫議大夫及出院又  
言金使王訥以和為名朝夕到闕恐謀國之臣便以甘  
言軟語為敵真情或至緩備墮黠計中則前日之禍  
踵而至矣因論朝廷宜急而緩者五事以獻如邢洛磁  
相當南衝而不命將分兵圍集民伍置屯列寨之類  
是也皆一時要務未幾遷給事中公言臣章疊疊至數  
百紙其間施行未二三陛下雖虛心聽納而人臣置  
而不用諫臣失職負不知去之罪敢復冒榮而進乎懇

沙縣誌 卷之十一 古跡 至

辭不允左右或為上言擢曹輔實諫垣令論事忽有移  
命得無以為厭聽納乎上曰曹輔遇事輒發斂怨多矣  
姑令就閒耳不浹旬除御史中丞潛以書遣大學生楊  
原陳獻今上會上遣宣贊舍人黃永錫至京師公因述  
圍城及遭變始末附以進遂介濟州迎駕從至南京首  
陳五事一曰分屯要害以整兵伍二曰疆理新都以便  
公私三曰甄收人材駕御用之共圖勳烈四曰恩威並  
行叛而討之服而舍之五日裂近邊之地為數重鎮以  
謹防敵上嘉納之及上即位赴册立行事罪即奏言臣  
比備位樞府以至宗社失守乞賜誅殛不許差內侍押  
赴都堂依舊供職是日得傷暑病告假因上章待罪明  
日宣對面諭曰前執政獨畱卿又以疾辭何也特給假  
宣醫早晚內侍存問連上三章乞致仕未允以五月丙  
申薨于位享年五十有九訃聞上為之震悼賜水銀龍  
腦以斂仍賻恤其家許陳乞恩例外特與長子改京秩  
公天資孝謹仁施宗族而義著朋友弟軾幼鞠於季父  
後復歸公盡以所得貲產與之不少鬻士貧歸之解衣  
推食無吝色自少刻意力學知名於時蒞官臨政所至



有能稱更歷縣道救荒糧饑民賴其力多矣然在

公為不足道故不復縷載有籟鳴集十五卷奏議一十

卷藏張德絲墓在鳳山曹正字中墓在縣東仙洲尾胡

狀元閃墓在縣西九都樂諫議公充墓樂知制師叔

墓二墓俱在二陳閣老山墓救葬在洛溪橋之側陳夫

人墓山配救葬在陳僉事勝通墓在東門外

拾遺  
曹忠達使金年月  
靖康元年閏十一月己酉遣輔詣金營請和 壬子復遣

曹輔使金 丙辰京城陷 丁巳朝廷遣輔代宰相出

使至軍前粘罕歸輔不交一談 十二月壬戌朔康王

開大元帥府于相州乙亥康王至大名府金致書遣輔

迎之回稱不知康王所在 靖康二年正月初二日壬

辰金人迎康王甚急遣張徵行以輔不見而還

張邦昌僭位稱臣始末年月

三月辛卯朔金人命百官等用申時迎邦昌入城 丁酉

奉册寶立邦昌即皇帝位國號大楚都金陵三月七日也

已邦昌往青城謝金面議七事至第六乞以帝為號國

稱大楚乞歸曹輔鄧肅等一十三人三月十五日也癸丑金人

沙縣誌

卷之十一 拾遺 五



歸曹輔鄧肅等三月二日四月庚申朔丙寅初七日邦昌遣

甥吳何賚咨曰康王稱臣有封府庫待大王之語四月七日

乃二公歸後丁卯邦昌納璽歸大元帥府四月八日公

也日戊辰邦昌降手詔請元祐皇后垂簾聽政以俟復蹕

庚午邦昌以太宰退居資善堂庚辰曹輔路允迪以太

后詔旨趣進發癸未康王次應天府甲申邦昌繼至伏

地請灰靖康二年五月己丑康王即位于南京改建

炎元俱出宋紀本末辨曰為正按靖康二年三月癸丑

公與栢欄先生同自金歸邦昌僭位已二十餘日至四

沙縣誌 卷之十一 拾遺 五

月丙寅恰十四日而邦昌已納璽稱臣矣是時雖欲脅

公視事其可得乎况公歸即以病疏未幾即卒雖在高

宗之朝亦未嘗一日居其位也觀者亦知公之苦心哉

陳正同在婺州救荒所活甚衆世多傳其法出宋史其法未詳

陳了齋論鄒浩三疏燬藁

閏六月初劉后為賢妃生子時因宮中虛位因是得立然

纔三月而薨論獻愍太子后之立也鄒浩三疏諫隨前

其藁尋得罪貶上初即位召浩還朝首及諫立后事褒

嘆再三詢諫藁安在對曰焚之矣退告陳瓘瓘曰禍其



在此乎異時姦人妄出一緘不可辯矣及是蔡京用事素忌浩乃使其黨僞爲浩疏謂本宮人卓姬生子后殺其母而取其子其辭云殺卓氏而奪其子人可欺也詎可欺天平帝詔暴其事安置永州明年移昭州作青詞告上帝有追省當時奏御之三章初無殺母取子之一字蓋爲是云

見綱目

宋

沙縣鄒浩聞歸田之命懷同廢諸公詩云同時廢逐十餘人我是升書第一名方向嶺邊思往咎忽聞天上許歸耕諸公想亦茅連茹此日宜皆水濯纓覆載恩深約

沙縣誌

卷之十一拾遺

五

圖報從令尤在罄精誠同廢諸公謂龔夫江公望陳瓘陳祐任伯雨張廷堅馬涓李淡豐稷王覲張舜氏謝文瓘陳次升也獨浩出于特旨名姓在諸公之上

出道卿文集

明 陳山論趙王事宜

上將至京師侍郎陳山迎謁奏宜乘勝移師向彰德襲執趙王上召問楊榮蹇義夏原吉三人皆請從山言榮請先遣使詰趙王與高煦連謀狀而六師奄至擒之上乃命榮傳旨令楊士奇草制士奇不可曰事須有實天地鬼神其可欺乎制下何以爲辭榮曰汝可沮國之大事



平令錦衣衛責漢府人狀云與趙王連謀卽事因也何  
患無辭士奇曰錦衣衛責狀何以服人心因謂榮義原  
吉曰太宗皇帝三子二人皆上親叔一人有罪者不可  
赦其無非者當厚待之庶幾仰慰皇祖在天之靈時惟  
楊溥意與士奇合二人欲入見門者不納惟義入以士  
奇語白上上不憚然亦不復言移兵矣遂還京中道時  
自言曰失此機會後日悔將何及至京後欲行皇太后  
必見沮矣旣至京上始悟思士奇言召謂之曰使我不  
失恩禮于趙叔者卿之力也

出鴻猷錄

沙縣誌

卷之十一

拾遺

五

舊縣志鄧茂七遺事三條

福建叅政宋彰交趾人與中官多親舊侵漁得銀以萬計  
餽送王振遂陞左布政抵任計營所費驗戶斂之貧不  
堪者甚爲所苦於是鄧茂七聚衆爲盜因勢而起遂不  
可遏不兩月間天下震動聞風而作若火燎原不可撲  
滅人心易搖如此

出天順  
日錄

正統十三年沙尤寇鄧茂七作亂僭稱王號僞署官職攻  
陷沙尤二縣八郡爲之騷動方其劇時福郡城中起編  
戶守城盛爲之備村落居民扶老携幼入城日以千計



號帝載道詔遣都督劉聚等統兵討之未下十四年復命寧陽侯蔣懋等討之是年茂七爲亂兵所殺寧陽侯官軍駐郡城中分處居民率一家供二軍月餘勦其餘黨福建始平

正統十三年閩賊鄧茂七亂巡按御史汪澄將至延平間賊勢已熾卽回會府刷卷御史張海至延平被圍海躬諭之賊且降海以實聞而澄忌之適朝命御史丁瑄按賊事澄則附瑄妄奏以抑海兵科給事中姚銑等以爲澄畏避且忌嫉當言之掌科事唐世良不從未幾而

沙縣誌

卷之十一

拾遺

五

兵部奏澄擅止浙軍有罪下獄

俱出福州府志

科貢考二條

天順四年會試第一人陳選臨海人父員韜爲御史巡按福建活沙賊脅從者萬人選爲理學名宦

殿試第一人王一夔新建人父得仁爲汀州推官活鄧茂七脅從千人尋戰歿一夔以是科及第人以三公皆陰

德之報云

俱出科貢考

福建鄧茂七反按察副使邵某字宏譽領兵殺賊失機監軍金尙書濂爲同年邵私謁求免歿方入都統太監



曹吉祥忽來急索邵斬之邵竄入後幕時周先生鼎在幕中視邵之貌曰公殺氣定矣飲之以茶匿于床下曹不獲而去金謂邵曰可少避三二日蓋軍中之令凡違節制者遇卽見殺稍緩卽不問矣使邵見曹不能避其頭已斷矣人之死生亦有定數也周先生爲言其詳記之以見軍中一時之制

福建賊鄧茂七竊發凡三司官之親臨者皆得貨灰惟前後巡按御史柴文顯汪澄二人俱被極刑蓋因王振當權所惡者御史之官故盡殺之斯豈法之正乎

俱出寓圃



存疑

宋史李侗傳云沙縣鄧迪嘗謂朱松曰愿中如冰壺秋月瑩徹無瑕非吾曹所及松以謂知言

查諸鄧譜並無所謂迪者以李朱二公爲之友必邃於理學者然去宋未遠井里官閥竟不傳於時亦奚怪魯兩生哉自媿聞見淺鮮無以考正存之以俟博雅君子

文宣廟記載遷學時進士鄧蒙率衆力新宋科考無是人又元豐記載懷安尉鄧安節相與經管亦不詳其人俱

沙縣誌

卷之十一 存疑

美

俟考之

府志宋建炎二年葉隆吉登進士註見人物志無存

按瑞花堂記云靖康間以智謀中科得官未試再登進士連取文武二科餘事無考

福清縣志知縣蕭尹躬沙縣人莊重有文雅餘事不載無可立傳

舊志載傅心閣記胡清獻撰詞理精粹又豫章集載豫章先生遺藁序胡清獻撰今其文闕觀此則公之學行可知惜當宋季板蕩立朝未久卽以廢歸事無可紀沒後



子孫浸微莫有能紀之者以俟再考

舊志載陳麟南平人舊居劍浦後娶于沙因家焉考之福州志直云沙縣人而陳氏譜則云企之子是爲沙人非寓也及八閩通志則云舊居劍浦豈沙人居劍浦而後歸于沙乎宋史亦以陳世卿爲劍浦人豈當時直以延平總爲劍浦耶

舊志宋進士鄧暉寧子鄧湄圓中子查鄧氏譜暉湄俱圓中子未詳孰是又肅譜自註云叔祖文暉於吾爲叔祖年次吾半紀曾同遊豫章羅先生之門紹興壬戌陳誠

沙縣誌

卷之十一

存疑

五九

之榜進士時四十五矣似文暉即湄也亦與舊縣志合但不知郡志作覲又何人也俱不可考

按歷東魏氏譜有魏文洽者字道夫登咸淳元年進士其里之坊表礎石俱存祠墓子孫世祀而舊志缺載豈在特科而遺之耶今特科之遺者亦多矣

按黃氏譜黃灝官侍制郎中建鳳岡書院今觀舊志之載書院規模宏偉其人必正學之士也而竟莫詳其入仕出於何科意者其館舍與兵燹後圖籍遺忘俟後考之按福州志寶慶二年進士永福縣有黃復字乾叟知興化



縣歿於王事封忠壯侯與本志正相類不知何也通志  
與寰宇志舊府志俱作沙縣人而本傳與家譜俱合豈  
福州志有誤耶抑黃元分於永福耶永福縣亦有黃灝  
官郎中

按縣南五里大路傍有碑曰勅封助國五里侯碑不載國  
號年數亦不詳何神助國何事詢之里人相傳云五代  
末有官兵與賊戰兵敗賊追之至此而路忽崩賊遂止  
故封之未詳是否

福州府志載嘉祐六年郡守范師道牒諸縣蠱毒藥方揭

沙縣誌

卷之十一存疑

卒

於縣門近巡按御史楊公四知榜文通行各郡縣以論

閩中蓄蠱並示藥方則閩中蓄蠱之名非一日矣然以

愚觀之兩廣雲貴近夷土民間有是術多出於仇敵之  
相相謀殺及淫婦之刼制姦夫非若閩中所云蓄之可以  
致富也夫已殺人之命何益於財產乃能致富也竊嘗

疑之及詢邑中父老率言此風之倡興廢有時多盛於  
閩民墨吏之手若清平之際鮮有倡其說者沙之言蠱  
最盛於成化之末至錦溪曹公閔痛罪訟蠱者其說遂  
息三四十餘年無有云中蠱以死者及正德末年嘉靖初



年又有以蠱事脅騙平民但小家驟發必目之曰有蠱而囂訟之徒往往托是名以制其死命非厚賄重賂不止展轉相沿遂成騙局而不才之長復大言以和之彼皆何知柰何而不羣然以閔也及見心沈令有以此獄讞者虛心以鞠之訖無左驗惟重處一人以明其法餘悉禁止不許慢贖二三十年亦復宴然後因永安奸民以此事詐害根連株及揭家而逃者五六十家卒亦累及其官此二三年間流及於沙此說頗亦將盛皆云藥可追虫虫能作繭又能飛而食肉其毒率置之瓜菓中

沙縣誌

卷之十一存疑

全

又多納之猪肝內以肝中者則虫食肝其人易死人人稱謂轉相告戒不惟狂悖之士信之不疑雖識微君子亦不能不爲之動心矣細而鞠之竟不得所謂蠱之狀者據楊公示則有數種治療亦異似又有可憑者故將以爲有則國家之律甚嚴然不可以輕附比將以爲無則古今治法俱在人耳豈漫無稽以惑人者但使人人知治法則彼蓄者不能害人將久而自廢耳謹錄福州志方及楊公告示以警村民之無知者附范方及楊公示于左



宋嘉祐六年福州郡守范師道牒諸縣蠱毒藥方板揭

於縣門 應中蠱毒不拘年代遠近先煮鷄子一枚將銀

及鷄子俱黑色是中毒也可用下方五倍子三兩木香

丁香各一十文甘草三十一半炮去火毒一半生用糯

米二十粒輕粉三分硫黃末一錢重麝香一十文右入

味入小沙瓶內用水十分同煎七分候藥面上生皺是

藥熟用絹濾去滓取七分小碗通口服須平旦仰臥令

頭高其藥三度上來鬪心即不得動如吐出用桶盛如

魚肝類乃是惡物吐後用茶一盞止如瀉亦不妨瀉後

用白粥補忌生冷油膩酢醬十日後服後藥解毒丸二

三丸補之更服和氣湯散十餘日平復解毒圓者如人

中毒十日以前則此藥可療五倍子半斤一半蒸炮令

熟丁香三兩焙黃焦色預知子半斤一半蒸令熟一半

焙令黃色木香三兩一半炮令黃色一半焙過射香三

文甘草二兩一半炮黃色一半生用水銀粉一孟于朱

砂一兩細研為衣右件搗羅為細末用陳米爛飯為丸

如彈子大用藥者研令

細同酒一盞煎溫服

萬曆十二年巡按御史楊公四知榜文通行各屬縣以

沙縣誌

卷之十一 存疑

空

論閩中蓄蠱並示藥方 為嚴禁蠱毒以除民害事照得

逆天害人如福州府閩清古田延平府順昌將樂沙縣

永安等縣皆有而泉州府惠安縣為最行旅不敢食宿

親戚不能相保誠地方大害百姓隱禍此術傳播已久

更相蔓延或驅役神魂或陰報警怨奸民甘心蓄養自

為得計不知國法昭嚴極為重典除已獲罪已正法外

歲合通行為此今將考據蠱毒邪術治蠱正法刊發屬

縣榜示通衢破弭奸黨救濟羣生凡蓄蠱之家各官改

省將蠱妖速送海洋每置道傍流毒後人轉禍為福以

保首領如或怙終不改犯出定依律擬斬妻子遠流以

快人心決不輕貸

蠱毒邪術 一考據福建諸州皆有蠱毒而福之古田

閩清延之沙縣順昌永安將樂泉之惠安為最其種有



四一曰蛇蠱二曰金蠱蠱三曰蜈蚣蠱四曰蝦蟆蠱皆多變化隱見不常各有雌雄其交合有定日近者數月遠者二年至期主家備禮迎降設盆水于前雌雄遂出於水中交則毒浮其上乃以針眼刺取必於是日毒一人故當日客至不暇恤親戚必施之凡飲食藥餌皆可入特不置熱羹中過熱則消爛或無外人至則推本家一人承之藥初入腹若無所覺積久則蠱正藉人氣血以活益久則滋長迺食五臟耗久則痛楚不可忍惟啜百沸湯可暫息須臾甚則叫呼宛轉巴刮牀席臨終之日眼耳鼻口流出虫數百形狀如一漬於水暴乾久而得水復活人魂為祟所拘不能托化翻受驅役於家死者之尸雖火化而心肝獨存殆若蜂窠治蠱正法一考據昔有一朝官與一高僧西遊道由歸破程鎮荒遠日過中甚餒抵小村舍聞其家蓄蠱而勢必就食去住未剖僧曰吾有神呪可無患也食至僧閉目誦持俄見小蜘蛛延緣盃物僧曰速殺之於是竟食無所損其呪曰姑蘇啄摩耶啄吾知蠱毒生四角父是穿窬郎母是舍耶女眷屬白千萬吾今悉知汝摩呵薩是時同行者

沙縣誌

卷之十一 存疑

奎

競傳其本所至皆無恙若不能念者但云藥公萬福七遍其毒亦不行國老飲治蠱毒白礬末甘草各等分右為細末每服二錢食遠水調下或吐黑涎或瀉皆效若平生頑服防蠱者宜以甘草熟炙煎服即內消不令吐神驗保靈丹治諸蠱毒一切毒藥神效硃砂另研一兩大山豆根五錢雄黃黃丹射香黃藥子續隨子生研巴豆不去油斑貓去翅足各二錢半糯米半生半炒赤蜈蚣二條一炙一生右各修製入乳鉢研和端午重陽臘日修合勿令鷄犬婦人見用糯米糊丸如龍眼核人陰乾磁盒收每服一丸好清茶吞下不得嚼破須臾病人自覺心頭如拽斷皮條聲將次毒物下或自口出血並下如口禁棺開下藥或蛇蝎諸毒以醋磨傳患處忌酒肉濁物一月惟軟飲食可也或急用但擇吉日精淨修合萬病解毒丸治蠱毒挑生毒藥毒畜獸毒文即五倍子一兩山茨菰金銀花一兩金蝎五錢大山豆根續隨子霜各五錢射香一錢硃砂雄黃各三錢紅牙大戟洗焙七錢半右先以五味藥入木臼搗羅為末



次研續射硃雄勻和糯米糊丸作三十五丸端午重九  
或擇日修合每一丸用生薑蜜水磨下井水浸研敷患  
處 易簡方用收鼓皮廣五寸長一尺薔薇根五寸水  
一升酒三升煮一升頓服當服蠱虫卽出 又方治蠱  
毒下血用蝟皮燒末水服方寸七日三服當吐蠱虫出  
又方治蛇蠱飲食中得之咽中如有物嚥不下吐不  
出用馬兜鈴煎湯熱飲一盞卽吐出 外臺秘要方治  
五種蠱毒用馬兜鈴根三兩搗篩爲末分作三帖每帖  
以水一大盞煎至五分去滓空心頻服當吐蠱出未快  
再服以快爲度 丹溪心法治蠱毒用升麻末三錢溪  
水調服 經驗良方救中蠱毒用蚕蛻不拘多少燃作  
紙條燻麻油燒存性爲末水調一二錢頻服諸中毒面  
青脉絕昏迷如醉口禁吐血服之卽甦 急救方治百  
蠱不愈者取鵝鳩血隨多少熱服之 又方驗蠱毒用  
桐子七分皂角二分研和草粉一分射香一分半鷄卵  
一箇蜜半盞老酒一碗同煎空心飲下吐嘔不是若安  
卽是中毒治法用紫金丹五分射香三分青州丸七分  
研和爲末蜜調爲丸如黑豆大清晨服解毒散一帖送

泌縣誌

卷之十一 存疑

齋

下過一時瀉出毒虫卽愈 補法用木香沉香乳香各  
一錢射香二分俱爲末麵一斤糖半斤同炒調清湯空  
心服 又方被蠱者身有七症一腹內憂痛二令人速  
饑三夜睡辛苦冷汗四大便滑活五身心渾熱六眼內  
有黑根七手足酸倦問荅對同方是此症 治法用蜈  
蚣草四兩搗爛浸酒溫服會飲酒者兩碗寡飲者一碗  
要於雙口除晚飯不吃本身將藥私密調理安定不可  
便內外人知至次早單日五更之初私自起來於露天  
處面向東口出之方而飲之後卽就床睡至辰巳時方  
起初被毒者四五服有效久者或三四月方見效藥服  
至四肢復應健泰其蛇毒白爛發瀉卽愈忌鷄肉魴魚  
鷄卵不可吃 易簡方治蠱毒用青木香卽馬兜鈴根  
爲末每服三錢水一盞煎至五分去滓溫服常吐蠱  
未快再服 治解百毒及闔廣挑生金蠶蠱毒用甘草  
長七寸四十九莖浸厠坑中四十九日淨  
洗爲末密丸瓶中遇中毒口中嚼化卽解

右仰知悉



外附本縣陳閣老家傳治蠱毒救人方

巴豆七粒合為丸

用百草霜為衣飯湯送下即驗 若是病片來討藥之時回去一路莫與人說知藥服有效合藥之時可念神傳呪三五七遍呪同前服藥之時先將鷄卵煎餅一片先食後服藥其蠱虫每月初一至初十日虫頭向下十至二十日虫頭向橫二十一至三十日虫頭向上可許服藥見功用對時不住瀉用白米甘草一分煮粥與服瀉即止神驗

訂訛

舊郡志以龍會山屬永安縣是山在二十二都黃社去永

安尚隔黃砂口一村誤也

按舊志周知縣做於三都漁溪灣有題石倉詩怪石溪傍

沙縣誌

卷之十一

奎

立仙槎過問津更聞神化處出粟濟凡人今其詩刻大

道傍詢之士人云此石有小穴黃赤色原出米供行人

之無糧者後有貧夫鑿而大之米遂不出又二十二都

三元亦云地名寨後路傍亦有石出米後亦鑿之不出

又棊頭陀傳亦云夫天雨粟馬生角古人以為必無之

事豈有石而能出米乎意者野人附會之言山人不察

傳訛而誦之耳

了齋舊志載在勸忠坊今祠堂在叢桂坊與前不同又按

曹氏譜曹公祠在了齋祠右今曹祠廢址在社稷壇對



面其左陳氏池上礎石俱存又在勸忠坊中豈余景瞻  
所以祀公者乎必非今所耳意者明初因元亂之後失  
迷遂以今址復之與

舊志縣歷官宋知縣有洪唐通志作唐卿有劉簡作劉簡  
子必縣志誤也

豫章先生舊以爲劔浦羅源里人後居沙縣蓋先生始祖  
日豫章來原遷沙縣後遷羅源後又歸沙縣據先生集  
載紹興乙亥東里盛木博文友也題義恩祠壁云是祠  
先生八世祖所創先生同殿撰畸肄業于此則先生之

沙縣誌

卷之十一 訂訛

六

復居沙縣明矣又集載先生錄龜山語錄云第四卷毗  
陵所聞註于辛卯七月自沙縣來至十月去蕭山所聞  
註云壬辰五月又自沙縣來至八月去若非居沙縣何  
曰白沙縣來也今考先生所居卽在洞天巖之麓至郡  
寇亂後羅氏始衰廢其所遊息顏樂齋濯纓亭等景正  
在洞天瀑布之濱且得與黠堂相倡和聞羅源里無泉  
石之奇必非其所也其葬羅源第以李公扶柩至延故  
祔之祖墓側耳

舊志柈欄宅在洛陽里鄧墩今查柈欄集洞天巖天池記



謂出吾廬西望縱步可至日五七反則在城無疑按鄧氏譜乃寧之曾孫文饒之孫晝錦坊乃寧之居今名尙存又云有井與張氏爲隣肅必居於是矣今細詢之里人時肅家饒益各處有庄田其號柝欄者庄田在柝欄樂其山水故常居之因以爲號又今子孫皆在五都之城頭云瑞芝堂其址尙存所居之屋建中年建至隆慶末乃拆而新之集中有避寇王山寺詩又似在城頭者豈城頭亦庄所與八都鄧墩則公葬地也後亦有子孫居之今還以晝錦坊者爲是卽教諭鄧冠榮居也

沙縣誌

卷之十一

訂訛

七

宋史以羅先生卒於官又集中載公族弟羅革題公所集二程語孟解後云先生自廣回卒于汀州之武平縣革記在紹興壬申所知必真又集中載龜山荅胡康侯書云伊川先生語錄在念未嘗忘也但以兵燹散失收拾未悉舊日惟羅仲素編集備甚今仲素已歿於道途行李以遭賊火則公之卒於武平爲真非卒於官耳

舊志載思古堂翠竹峯在二十六都今已分隸永安地與詩不復錄

通志載上舍釋褐宣和二年有鄧文饒寧姪二人以爲俱



沙縣人今查鄧譜文饒審于此謂審姓誤也政和二年  
進士樂公衮乃公衮之誤

宋史朱子黨籍碑有張致遠或疑卽子猷非也彼武臣世  
代亦有遠甚矣

舊志載鄧茂七沙縣二十四都人非也今觀監軍曆畧與  
鴻猷錄甚詳其發難亦非自沙始於寧化但後移屯於  
沙爲巢穴矣百年之近尙訛如此况於久乎其所載生  
亂事蓋在沙之爲盜者起此非茂七也

沙縣誌卷之十一 終

沙縣誌

卷之十一 訂訛

末

